



ქალაქ ფოთის მუნიციპალიტეტის საკრებულო

განკარგულება N 27/194

2019 წლის 2 აპრილი

ქალაქი ფოთი

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ანგარიში გაწეული მუშაობის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, საკრებულოს განსაკუთრებულ უფლებამოსილებას განეკუთვნება მუნიციპალიტეტის აღმასრულებელი ორგანოების და თანამდებობის პირების საქმიანობის კონტროლი, მათი ანგარიშების მოსმენა და შეფასება.

აღნიშნულიდან გამომდინარე

მუხლი 1.

ცნობად იქნეს მიღებული ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ანგარიში გაწეული მუშაობის შესახებ (ანგარიში თან ერთვის).

მუხლი 2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი, ქალაქ ფოთის მუნიციპალიტეტი, დავით აღმაშენებლის ქუჩა №3)

მუხლი 3.

განკარგულება ძალაშია ხელმოწერისთანავე.

საკრებულოს თავმჯდომარის მოვალეობის
შემსრულებელი, თავმჯდომარის მოადგილე



აკაკი დარჯანია

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის
2019 წლის (1 იანვრიდან 26 ნოემბრის ჩათვლით) ანგარიში

ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტისა და ახალგაზრდულ საქმეთა სამსახურის ოთხი განყოფილებისაგან: კულტურისა და ძეგლთა დაცვის განათლების, სპორტისა და ახალგაზრდულ საქმეთა განყოფილებები.

2019 წლის სამსახურის დაზუსტებული ბიუჯეტი შეადგენდა 255 100 ლარს.

საკასო შესრულებამ დღეის მდგომარეობით შეადგინა 190 638.40 ლარი.

ახალგაზრდული და სპორტული ღონისძიებები

დაზუსტებული ბიუჯეტი შეადგენდა **120 600 ლარს.**

საკასო შესრულებამ დღეის მდგომარეობით შეადგინა **93 290 ლარი.**

სპორტული ღონისძიებები

1. 17 მარტს საკალათბურთო დარბაზში ჩატარდა საქართველოს სასკოლო სპორტული ოლიმპიადის პროგრამით გათვალისწინებული რეგიონალური პირველობა კალათბურთში 2002-2004 წლებში დაბადებულ საჯარო სკოლების მოსწავლე გოგონათა და ვაჟთა შორის. ღონისძიებაში მონაწილეობდა საჯარო სკოლების 96 მოსწავლე (გოგონა და ვაჟი).
2. 3 აპრილს ზუგდიდის სპორტის სასახლეში გაიმართა სასკოლო სპორტული ოლიმპიადის პროგრამით გათვალისწინებული რეგიონალური პირველობა მხიარულ სტარტებში 2004-2010 წლებში დაბადებულ გოგონათა და ვაჟთა შორის. მონაწილეობდა საჯარო სკოლების 144 მოსწავლე (გოგონა და ვაჟი).
3. 6 აპრილს ზუგდიდის სპორტის სასახლეში გაიმართება სასკოლო სპორტული ოლიმპიადის პროგრამით გათვალისწინებული რეგიონალური პირველობა მინი ფეხბურთში.
4. 15-16 მაისს ქალაქ ზუგდიდში გაიმართა რეგიონალური პირველობა „სპორტი ბარიერის გარეშე“ საჯარო სკოლების მოსწავლეთა შორის. მონაწილეობდა საჯარო სკოლების 20 მოსწავლე (გოგონა და ვაჟი).
5. 25-26 მაისს წყალტუბოში ჩატარდა სასკოლო სპორტული ოლიმპიადის პროგრამით გათვალისწინებული ზონალური პირველობა ხელბურთში.
6. 25-26 მაისს წყალტუბოში გაიმართა სასკოლო სპორტული ოლიმპიადის პროგრამით გათვალისწინებული ზონალური პირველობა ხელბურთში, სადაც მონაწილეობას ღებულობდა N2 საჯარო სკოლის ვაჟთა და გოგონათა ნაკრები გუნდები.
7. 1-2 ივნისს მდინარე კაპარჭაზე გაიმართა ვიქტორ კრატასიუკის რეგატა საბაიდარო და კანოეთ ნიჩბოსნობაში.
8. 6 ივნისს კრივის სასპორტო სკოლის განახლებულ სპორტულ დარბაზში საზეიმო ვითარებაში გაიხსნა ზურაბ სარსანიას სახელობის ტრადიციული ტურნირი კრივში 2005-2006 წლებში დაბადებულ მოკრივეთა შორის. ტურნირში მონაწილეობდა 180 მოკრივე.
9. 15-16 ივნისს მდინარე რიონზე ჩატარდა ომარ ბერაიას სახელობის რეგატა აკადემიურ ნიჩბოსნობაში.
10. 22-23 ივნისს კალათბურთის დარბაზში ჩატარდა ქალაქ ფოთის ღია პირველობა თავისუფალ და ბერძნულ-რომაულ ჭიდაობაში.
11. 26-27 ივნისს ოზურგეთის სპორტის სასახლეში გაიმართა სასკოლო სპორტული ოლიმპიადის პროგრამით გათვალისწინებული ფინალური თამაშები ხელბურთში.
12. 30 ივლისს კორპორაცია „ფოთის საზღვაო ნავსადგური“-ს უსაფრთხოების დეპარტამენტის ორგანიზებით და ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტის და ახალგაზრდულ საქმეთა სამსახურის მხარდაჭერით მალთაყვის პლაჟზე ჩატარდა ნავსადგურის ჩემპიონატი პლაჟის ფრენბურთში.

13. 12 აგვისტოს, ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტის და ახალგაზრდულ საქმეთა სამსახურის მიერ მალთაყვის პლაჟის სანაპირო ზოლზე და პლაჟზე გაიმართა ახალგაზრდობის საერთაშორისო დღისადმი მიძღვნილი სპორტული ღონისძიებები ორჭიდში (კროსი+ველოგარბენი) ვაჟთა და გოგონათა შორის პლაჟის ფეხბურთში და პლაჟის ფრენბურთში.
14. 24-25 აგვისტოს რაგბის სტადიონ „პარკი არენა“-ზე გაიმართა დავით სანიკიძის სახელობის თასის გათამაშება 7-კაცა რაგბში 16 წლამდელ მორაგბეთა შორის. სპორტულ ღონისძიებაში მონაწილეობდა 120 მორაგბე.
15. 5-6 სექტემბერს ცენტრალური სტადიონის სათადარიგო მოედანზე გაიმართა ქალაქ ფოთის პირველობა ფეხბურთში 7X7-ზე.
16. 7 სექტემბერს, პირველად ჩვენს ქალაქში კულტურისა და დასვენების პარკში გაიმართა საერთაშორისო ტურნირი შერეულ და k-1 ორთაბრძოლებში
17. 10-11 სექტემბერს მალთაყვის პლაჟზე გაიმართა ყოველწლიური ტრადიციული ქალაქ ფოთის ღია პირველობა პლაჟის ფეხბურთში, სადაც მონაწილეობდა 80 ფეხბურთელი.
18. 21-22 სექტემბერს კალათბურთის დარბაზში გაიმართა ქალაქ ფოთის ღია პირველობა ჭიდაობა „მიუდო“-ში ზურაბ ტულუშის სახელობის თასზე . სპორტულ ღონისძიებაში მონაწილეობდა 220 მოჭიდავე.
19. მიმდინარე წლის 29 სექტემბერს იპოდრომზე გაიმართა ვალერიან მაქაცარიას სახელობის ღია პირველობა ცხენოსნობაში.
20. 18-20 ოქტომბერს საკალათბურთო დარბაზში გაიმართა ვაინარ სუხიშვილის სახელობის ტურნირი კალათბურთში.
21. 23-27 ოქტომბერს გაიმართა რეგიონალური ტურნირი ფეხბურთში „კოლხეთი 1913“-ის ყოფილი ფეხბურთელის და ქალაქ ფოთის ერთ-ერთი საპატივცემულო ადამიანის პეტრე ზამზახიძის სახელობის თასზე, სადაც მონაწილეობას ღებულობდნენ ხობის „კოლხეთი“, სენაკის „ეგრისი“, ლანჩხუთის „გურია“, აბაშის „ზანა“, ფოთის „კოლხეთი“, ზუგდიდის, სამტრედიის და ოზურგეთის სპორტული სკოლების 2006 წელს დაბადებული ფეხბურთელები.
22. 3 ნოემბერს, საქართველოს ეროვნული ფედერაციის ორგანიზებით და ქალაქ ფოთის მუნიციპალიტეტის მერიის კულტურის, განათლების, ძეგლთა დაცვის, სპორტის და ახალგაზრდულ საქმეთა სამსახურის მხარდაჭერით, რაგბის სტადიონ „პარკი არენა“-ზე გაიმართა სპორტული ფესტივალი „სპორტი ყველასათვის“ მინი ფეხბურთში საჯარო და კერძო სკოლების მოსწავლე გოგონათა და ვაჟთა მონაწილეობით. მსპორტული ფესტივალში მონაწილეობდა 110 მონაწილე.
23. 5-6 ნოემბერს ნანა ალექსანდრიას სახელობის ჭადრაკისა და შაშის კომპლექსურ სასპორტო სკოლის საშეჯიბრო დარბაზში გაიმართა ქალაქ ფოთის პირველობა ჩქაროსნულ (ბლიცი) 64-უჯრიან შაშში საქართველოს მრავალგზის ჩემპიონის საერთაშორისო დიდოსტატის თენგიზ ბარამიძის სახელობის თასზე. მონაწილეობდა ქალაქ ფოთის საჯარო და კერძო სკოლების მოსწავლე 130 გოგონა და ვაჟი.
24. 5 ნოემბერს ნანა ალექსანდრიას სახელობის ჭადრაკისა და შაშის კომპლექსურ სასპორტო სკოლის საშეჯიბრო დარბაზში საზეიმო ვითარებაში გაიხსნა ტრადიციული ქალაქ ფოთის პირველობა ჩქაროსნულ (ბლიცი) 64-უჯრიან შაშში საქართველოს მრავალგზის ჩემპიონის საერთაშორისო დიდოსტატის თენგიზ ბარამიძის სახელობის თასზე. პირველობაში მონაწილეობდა ქალაქ ფოთის საჯარო და კერძო სკოლების 118 მოსწავლე გოგონა და ვაჟი, ასევე ვეტერანი მოშაშეები.
25. 7-8 ნოემბერს ცენტრალური სტადიონის სათადარიგო მოედანზე გაიმართა სასკოლო სპორტული ოლიმპიადის პროგრამით გათვალისწინებული ქალაქ ფოთის პირველობა მინი ფეხბურთში, სადაც მონაწილეობდნენ საჯარო და კერძო სკოლების 2004-2005 წლებში დაბადებული მოსწავლეები.
26. 14 ნოემბერს 9 აპრილის ხეივანზე გაიმართა სასკოლო სპორტული ოლიმპიადის პროგრამით გათვალისწინებული პირველობა „გეზრბენში“ საჯარო და კერძო სკოლების მოსწავლე ვაჟთა და გოგონათა შორის.
27. 19-20 ნოემბერს ქალაქის საკალათბურთო დარბაზში გაიმართა სასკოლო სპორტული ოლიმპიადის პროგრამით გათვალისწინებული ქალაქ ფოთის პირველობა მინი კალათბურთში საჯარო სკოლის მოსწავლეთა შორის.

დღეის მდგომარეობით წარმატებულ სპორტსმენთა და მწვრთნელთა პრემიალური ხარჯების მუხლიდან დაჯილდოვდა 6 სპორტსმენი, 6 მწვრთნელი და საფეხბურთო კლუბი „ოქროს ვერძი“.

ახალგაზრდული ღონისძიებები

1. 18 თებერვალს, სამსახურისა და ინტელექტის და განათლების საერთაშორისო სკოლა „აიესაის“ ურთიერთთანამშრომლობით ქალაქ ფოთის ცენტრალური ბიბლიოთეკის დარბაზში ჩატარდა ტრენინგი ახალგაზრდებისთვის, თემაზე „ბუღინგთან ბრძოლა და მისი პრევენციის გზები საჯარო სივრცეში“. აღნიშნულ შეხვედრას უძღვებოდა „აიესაის“ პრეზიდენტი ქეთევან ხორავა. შეხვედრას ახალგაზრდულ საქმეთა განყოფილების ორგანიზებით ესწრებოდა 40-მდე დაინტერესებული ფოთელი ახალგაზრდა.
2. 28 თებერვალს სამსახურმა არასამთავრობო ორგანიზაცია „მოდრაობა შიმშილის წინააღმდეგ“ ოფისში (ფოთი, ნ. ბარათაშვილის ქ.16), ჩატარა 2018 წლის განმავლობაში ჩატარებული ღონისძიებების შესახებ საინფორმაციო-საპრეზენტაციო შეხვედრა Power-Point სლაიდებით. ახალგაზრდულ საქმეთა განყოფილებამ მივაწოდეთ ინფორმაცია ახალგაზრდების ფართო აუდიტორიას, 2018 წლის განმავლობაში მთლიანად სამსახურის მიერ განხორციელებული 45-50-მდე განხორციელებული საბიუჯეტო პროექტების შესახებ. შეხვედრას ესწრებოდა 30-მდე დაინტერესებული ახალგაზრდა, რომელიც აღნიშნული ორგანიზაციის წევრები არიან. აუდიტორიის მხრიდან დაისვა აქტუალური კითხვები, შეხვედრა წარიმართა პოზიტიურ კონტექსტში და კითხვა-პასუხის რეჟიმში. დაისახა ორგანიზაციასთან ახალგაზრდულ საქმეთა განყოფილების სამომავლო პარტნიორობის გეგმები.
3. 28 თებერვალს, ქალაქ ფოთის ცენტრალური ბიბლიოთეკის დარბაზში, სამსახურისა და ახალგაზრდული მოძრაობა „რუსეთი ოკუპანტიას“ თანამშრომლობით გაიმართა საჯარო განხილვა თემაზე: „რუსეთი გვართმევს თავისუფლებას“. ახალგაზრდული მოძრაობის წარმომადგენლების თხოვნით ახალგაზრდულ საქმეთა განყოფილებამ განახორციელა აღნიშნული ღონისძიების ტექნიკური და ადამიანური რესურსით მხარდაჭერა.
4. 8 მარტს, ქალთა საერთაშორისო დღესთან დაკავშირებით, ახალგაზრდული განყოფილების ორგანიზებით „ფოთის მოხალისეების“ 30-მდე აქტიურმა ახალგაზრდამ მუნიციპალიტეტის სახელით, ქალაქის სხვადასხვა ლოკაციებზე, სპეციალურად ამ დღისთვის დამზადებული თაიგულებით მიულოცა 8 მარტი ქალბატონებს.
5. 9 მარტს სამსახურსა და ახალგაზრდული მოძრაობა „რუსეთი ოკუპანტიას“ თანამშრომლობით გაიმართა პერფორმანსი პატრიოტული სიმღერებით, ახალ რაიონში მდებარე აფხაზეთის ომში დაღუპული გმირების მემორიალთან. ღონისძიებას ესწრებოდა მუნიციპალიტეტის თანამშრომლები, ახალგაზრდები და მედიის ფართო სპექტრი.
6. 7 აპრილს, ახალგაზრდულ საქმეთა განყოფილება ფოთის მოხალისეთან ერთად აქტიურად ჩაერთო ჯანმრთელობის საერთაშორისო დღის აღნიშვნაში და სპორტულ მარათონში. ფოთის მოხალისეებმა, დაახლოებით 20-მდე ახალგაზრდამ მნიშვნელოვანი წვლილი შეიტანა მარათონის საორგანიზაციო, სარეგისტრაციო და მარშრუტის მიმთითებელი საკითხების უზრუნველყოფაში. მიიღეს რა მონაწილეობა მარათონის შემდგომ კონკურსებში, დაჯილდოვდნენ მადლობის სიგელებით უანგარო შრომისა და მოხალისეობის იდეის პოპულარიზებისათვის.
7. 19 აპრილს მუნიციპალიტეტის სხდომათა დარბაზში საინფორმაციო შეხვედრა თემაზე: „ადგილობრივი თვითმმართველობის არსი, ბიუჯეტირების პროცესი, სამოქალაქო ინიცირების მექანიზმები და სუბსიდიარობის პრინციპები“. შეხვედრას ესწრებოდა ქალაქის სხვადასხვა სკოლიდან 50-60 მდე დაინტერესებული ახალგაზრდა, შეხვედრა წარიმართა დისკუსიების და ინტერაქტიურ რეჟიმში, ამავე შეხვედრაზე ახალგაზრდებისთვის ჩატარდა 2018 წლის განმავლობაში ახალგაზრდულ საქმეთა განყოფილების მიერ განხორციელებული პროექტების შესახებ საინფორმაციო პრეზენტაცია (სლაიდ-შოუ), რამელმაც ახალგაზრდების მხრიდან საკმაოდ დიდი მოწონება და ინტერესი გამოიწვია, დაანონსდა რამდენიმე სამომავლო პროექტიც.

8. 8-9-10 მაისს სამსახურისა და ფოთის ინტელექტუალური თანამშრომლობით გაიმართა ფოთის ინტელექტუალური თამაშების ფესტივალი რა? სად? როდის? ერუდიტ-სექსტეტის და ბრინ-რინგის ფორმატში, რომელმაც საკმაოდ დიდი ინტერესი გამოიწვია ახალგაზრდებში და მასში აქტიური მონაწილეობა მიიღო ქალაქის ყველა სკოლის მონაწილე გუნდებმა, ჯამში 100-120 ახალგაზრდა. ფესტივალი ჩატარდა ქალაქო ფოთის მე-5 საჯარო სკოლის სააქტო დარბაზში, გამოვლინდნენ გამარჯვებულები, ახალგაზრდები და მონაწილე გუნდები დაჯილდოვდნენ შესაბამისი სიგელებით და პრიზებით.

9. 17 მაისს გაიმართა ევროპის დღეებთან დაკავშირებული ღონისძიება, რომელშიც მონაწილეობა მიიღო ქალაქის ყველა საჯარო სკოლამ და კოლეჯმა ფაზისმა. მოეწყო გამოფენები, სადაც წარმოდგენილი იყო ევროკავშირის ყველა წევრი ქვეყნისთვის დამახასიათებელი საინფორმაციო და კულტურული პროდუქტი, მათ შორის ამ ქვეყნების ეროვნული სამზარეულოს კერძები. ღონისძიებამ მოსახლეობაში დიდი ინტერესი გამოიწვია, მთელი დღის განმავლობაში ქალაქის ცენტრალურ პარკში შეკრებილი იყო ქალაქის მრავალრიცხოვანი საზოგადოება, მონაწილეებს კი გადაეცათ სიგელები და ფასიანი პრიზები.

10. 25 მაისს ფოთის მუნიციპალიტეტის სხდომათა დარბაზში გაიმართა შეხვედრა გაეროში საქართველოს ახალგაზრდების წარმომადგენელ ლიკა ტორიკაშვილთან. ახალგაზრდულ საქმეთა განყოფილების ორგანიზებით, საინფორმაციო შეხვედრას ესწრებოდა 50-ზე მეტი ფოთელი ახალგაზრდა. შეხვედრაზე საუბარი შედგა გაეროს მდგრადი განვითარების მიზნებზე, მსოფლიო და ეროვნული მნიშვნელობის ახალგაზრდულ პრობლემებზე, ახალგაზრდული პოლიტიკის საკითხებზე და მათი განხორციელების გამოწვევებზე. დაისვა არაერთი საინტერესო და მნიშვნელოვანი შეკითხვა, რომელზეც ახალგაზრდებმა საკმაოდ ამომწურავი პასუხები მიიღეს მოწვეული წარმომადგენლისგან. (ფაქტიური ხარჯი -- 0 ლარი)

11. 1 ივნისს, ბავშვთა დაცვის საერთაშორისო დღესთან დაკავშირებით, ქალაქის ცენტრალურ პარკში, გაიმართა კინოჩვენება ღია ცის ქვეშ. აღნიშნულმა პროექტმა ახალგაზრდების მნიშვნელოვანი დაინტერესება გამოიწვია, მათ ფილმის ჩვენების დასასრულს გამოთქვეს პერმანენტულად მსგავსი ღონისძიებების ჩატარების და მის ორგანიზებაში მოხალისეობრივი მხარდაჭერის სურვილი.

12. 17 ივნისს ქალაქის ცენტრში, 8 აგვისტოს მემორიალის მიმდებარედ განთავსებულ საბავშვო ატრაქციონებთან გაიმართა მომდევნო მულტიპიკაციური ფილმების ჩვენება, რომელსაც დაესწრო არაერთი დაინტერესებული მცირეწლოვანი, მშობელი და ახალგაზრდა. აღნიშნულმა ღონისძიებამ მშობლების მხრიდან დიდი მოწონება დაიმსახურა, ამ შემთხვევაშიც მოსახლეობის მხრიდან გამოითქვა პროექტის სისტემატიური განხორციელების სურვილი.

13. 21 ივნისს სამსახურის ორგანიზებით და არასამთავრობო ორგანიზაცია „მომრაობა შიმშილის წინააღმდეგ“ წარმომადგენლის ნათია ცირამუასთან თანამშრომლობით, გაიმართა მუნიციპალიტეტის სხდომათა დარბაზში, ტრენინგი „ბრაზის მართვა“. ახალგაზრდულ საქმეთა განყოფილების ორგანიზებით ტრენინგს დაესწრო 30-მდე დაინტერესებული ახალგაზრდა. დამსწრე ახალგაზრდების შეფასებით შეხვედრა საკმაოდ საინტერესო, მნიშვნელოვანი და სახალისოც გამოვიდა.

14. 29 ივნისს, ქალაქ ფოთის მუნიციპალიტეტის მერიაში პროექტი „გაამლიერე ცვლილებებისათვის- ადგილობრივი შესაძლებლობების გაძლიერება ახალგაზრდობის ჩართულობისათვის“ ფარგლებში გაიმართა საანგარიშო შეხვედრა. პროექტში მონაწილე ახალგაზრდებმა ქალაქის მერს ფოთელი ახალგაზრდების საჭიროებათა კვლევის ანგარიშის პრეზენტაცია და სამომავლო გეგმები გააცნეს. „რა მინდა იყოს ქალაქში ახალგაზრდებისთვის, როგორ წარმომიდგენია ახალგაზრდების ჩართულობა და თანამშრომლობა მერიასთან ახალგაზრდული საქმიანობის წარმართვაში, მე რომ მერი ვიყო რას გავაკეთებდი ახალგაზრდებისთვის“ -პროექტში მონაწილეები ამ კითხვებით ფოთელ ახალგაზრდებს მიმართავდნენ.

კვლევის შედეგებმა მნიშვნელოვანი ახალგაზრდული პრიორიტეტები გამოავლინა, რაც გათვალისწინებული იქნება ქალაქის მომავალი წლის ბიუჯეტში.

15. 5 ივლისს ქალაქ ფოთის ცენტრალური ბიბლიოთეკის დარბაზში „აქტიური სამოქალაქო ჩართულობის, ელექტრონული ინიცირების მექანიზმების და ასევე პეტიციების მომზადების საკითხებზე“ გაიმართა საინფორმაციო შეხვედრა დაინტერესებული ახალგაზრდებისათვის. აღნიშნულ

შეხვედრაზე ახალგაზრდების მხრიდან გამოითქვა მზაობა კრეატიული ინიციატივების და პროექტების მომზადების მიმართულებით.

16. 14 ივლისს, უზრუნველყოფილ იქნა ფოთის მოხალისეების და სხვა აქტიური ახალგაზრდების დასწრება, ქალაქ ზუგდიდში გამართულ „სამოქალაქო საზოგადოების რეგიონულ ფორუმზე“. ფორუმის მიზანი იყო მოხალისეობის კულტურის პოპულარიზაცია, მოხალისეობის სერვისის მიმღებსა და მოხალისეობით დაინტერესებულ პირებს შორის კომუნიკაციის ხელშეწყობა, მოსახლეობაში რეგიონული საზოგადოებრივი ორგანიზაციების ცნობადობის გაზრდა, მათი საქმიანობის და განხორციელებული პროექტების შესახებ რეგიონის მოსახლეობის ინფორმირება. ფორუმის მიმდინარეობისას მონაწილეებმა მიიღეს ინფორმაცია ორმხრივი მოხალისეობის პლატფორმა „დროის ბანკის“ შესახებ და ადგილზე გაეცვინენ აქტივობებს.

17. 12 აგვისტოს, ახალგაზრდობის საერთაშორისო დღესთან დაკავშირებით გაიმართა სპორტული და ახალგაზრდული ხასიათის ღონისძიებები, ველოგარბენი, პლაჟის ფრენბურთი და პლაჟის ფეხბურთი, ასევე ქალაქის ცენტრალურ პარკში ჩატარდა კონცერტი ია ტომასის და ბენდ „კონექშენის“ მონაწილეობით, კონცერტი დასრულდა dj SABA-ს ელექტრონული მუსიკის რეპერტუარით, ფერების თამაშით და ფოიერვერკით. ახალგაზრდობის საერთაშორისო დღე საკმაოდ მასშტაბური პროექტია, რომელიც თავისი შინაარსით გათვლილია ახალგაზრდების ინტერესებზე, შესაბამისად მეორე წელია ამ ღონისძიებას ესწრება საშუალოდ 1500-ზე მეტი სხვადასხვა ასაკის ახალგაზრდა.

18. 15 აგვისტოს „ზაფხულის დღეებთან“ დაკავშირებით, მალთაყვის ზღვის სანაპირო პლაჟზე გაიმართა კონცერტი ქალაქ ბათუმის შოთა რუსთაველის სახელობის სახელმწიფო უნივერსიტეტის ჯაზ ბიგ-ბენდის, მანქანო იურიკა ლომინაძის და საბა საფარველის მონაწილეობით, საღამო დაასრულა dj ELESTO-მ ელექტრონული მუსიკის რეპერტუარით.

19. 16 აგვისტოს „ზაფხულის დღეებთან“ დაკავშირებით ქალაქ ფოთის ცენტრალურ პარკში, ე.წ. ნიჟარასთან გაიმართა ელექტრონული მუსიკის საღამო, რომელშიც მონაწილეობდა DJ Shyneeg და DJ ELESTO. ელექტრონული მუსიკის საღამომ ფოთელი ახალგაზრდების მნიშვნელოვანი დაინტერესება გამოიწვია, შესაბამისად აღნიშნულ ღონისძიებას დაესწრო 300-მდე ახალგაზრდა. ახალგაზრდების თხოვნის გათვალისწინებით საღამო დაგეგმილზე მეტ ხანს გაგრძელდა.

20. 11 ოქტომბერს სამსახურის მოწვევითა და ორგანიზებით, ასოციაცია „DEA“-მ მუნიციპალიტეტის სხდომათა დარბაზში გამართა საინფორმაციო შეხვედრა ახალგაზრდებისათვის თემაზე : „იცოდე შენი უფლება, გაეცანი შენი ქვეყნის კონსტიტუციას“. შეხვედრას ახალგაზრდულ საქმეთა განყოფილების მხარდაჭერით დაესწრო საჯარო მოხელეები, პედაგოგები, ჟურნალისტები და 40-ზე მეტი დაინტერესებული ახალგაზრდა. შეხვედრაზე საუბარი შედგა საკონსტიტუციო ცვლილებებზე, საარჩევნო უფლებებზე და მასთან დაკავშირებულ საკითხებზე, ახალგაზრდების შეფასებით შეხვედრის თემა იყო საინტერესო და ის მნიშვნელოვანია ახალგაზრდების სამოქალაქო აქტიურობის სტანდარტების გაძლიერებისთვის.

21. 26 ოქტომბერს, ნატოს დღეები 2019-ის ფარგლებში, ახალგაზრდულ საქმეთა განყოფილების მოწვევითა და ორგანიზებით, მუნიციპალიტეტის სხდომათა დარბაზში, საგარეო საქმეთა სამინისტროს ნატოსა და ევროკავშირის შესახებ საინფორმაციო ცენტრის, ასევე მოწვეული ექპერტის „სამხედრო ჟურნალისტთა საერთაშორისო ასოციაციის“ ხელმძღვანელის გიორგი ცხვიტავას მონაწილეობით გაიმართა შეხვედრა ახალგაზრდებთან, პედაგოგებთან, ჟურნალისტებთან და საჯარო მოხელეებთან საქართველოს ევროატლანტიკური ინტეგრაციის საკითხებზე, ნატო-საქართველოს პარტნიორობის მექანიზმებზე, ურთიერთობების ისტორიაზე და არსებულ მიღწევებზე. ღონისძიება ემსახურება ახალგაზრდებში და არამხოლოდ მათ შორის ნატოს, ევროკავშირის და მსოფლიოს პოლიტიკური ინსტიტუტების საქმიანობის შესახებ ინფორმირებულობის დონის გაზრდას.

22. 29 ოქტომბერს სამსახურისა და ფოთის კოლხური კულტურის მუზეუმის ურთიერთთანამშრომლობით ნატოს დღეების ფარგლებში გაიმართა ვიქტორინა „ნატო-საქართველოს ურთიერთობები“. გამოვლინდა გამარჯვებული მოსწავლეები და დაჯილდოვდნენ სიგელითა და ფასიანი საჩუქრებით.

კულტურული ღონისძიებები

დაზუსტებული ბიუჯეტი შეადგენდა 134 500 ლარს
საკასო შესრულებამ შეადგინა 97 348. 40 ლარი

კულტურისა და ძეგლთა დაცვის განყოფილება

1. 3-5-6 იანვარს - სპეციალურად პატარებისთვის, საბავშვო მუსიკალური და ქორეოგრაფიული სტუდიების მონაწილეობით, საახალწლო კონცერტი- „სახალწლო სიზმრები“ გაიმართა. ღონისძიების ფარგლებში მშობელთა მზრუნველობას მოკლებულ ბავშვთა ცენტრის პატარებს, მარტოხელა დედის შვილებს, სოციალურად დაუცველ, დედა-მამით ობოლ, მრავალშვილიან ოჯახთა ბავშვებს მუნიციპალიტეტმა საჩუქრად საახალწლო ნუგბარი გადასცა.
2. 7 იანვარს- შობის ბრწყინვალე დღესასწაული აღინიშნა ტრადიციულად ალილოთი, ჩატარდა საზეიმო მსვლელობა.
3. 14 იანვარს- შშმ ბავშვთა დღის ცენტრის ბენეფიციარები მუნიციპალიტეტმა მოინახულა და პატარებს ტორტითა და საშობაო ნუგბარით ახალი წელი მიულოცა.
4. 3 -8 მარტს- გაიმართა ქალთა საერთაშორისო დღისადმი მიძღვნილი ღონისძიება, წარმატებულ ქალბატონებს მუნიციპალიტეტის სამადლობელო სიგელი,სახელობითი შარფი და ყვავილების თაიგული გადაეცათ. ქალაქის ადგილობრივი ხელისუფლების წარმომადგენლებმა დედის დღე მიულოცეს დამსახურებულ პედაგოგებს მზია კულუასა და მზია ამბალიას.
5. 9 აპრილს- ქალაქ ფოთის ადგილობრივი ხელისუფლების წარმომადგენლებმა , ყვავილებით შეამკეს 9 აპრილის მემორიალი და პატივი მიაგეს დაღუპულ გმირთა ხსოვნას.
6. 6 მაისს- უკვე მეორედ, ფოთმა ქალაქის დღე იზეიმა, რომელიც საკათედრო ტაძრის დღესთან ერთად , კვირაცხოვლობას აღინიშნა.საკათედრო ტაძარში ჩატარდა საზეიმო წირვა, ქალაქის ცენტრალურ პარკში გაიმართა სახვითი ხელოვნების ნიმუშების გამოფენები, მსმენელის წინაშე წარსდგა ბათუმის საზღვაო აკადემიის ბენდი, ადგილობრივი საესტრადო და ფოლკლორული კოლექტივები. ღონისძიება ქალაქ ფოთის ცენტრალურ პარკში მეგა- პროექტი „ჩვენ ვარსკვლავები ვართ“ გამარჯვებულის, მანანიკო ცენტერადის და ბენდი „mix2ra“ს კონცერტით დასრულდა.
7. 9 მაისს- ფოთში ფაშიზმზე გამარჯვების 74- ე წლისთავი აღინიშნა. ხელმძღვანელმა პირებმა დიდების მემორიალი გვირგვინით შეამკეს და სიტყვით მიმართეს ომის ვეტერანებს.
8. 18 მაისს- ფოთში ეროვნული სამოსის დღე აღინიშნა. სამსახურის ორგანიზებით მოეწყო მსვლელობა. ღონისძიებაში მონაწილეობდნენ ქალაქში არსებული ქორეოგრაფიული კოლექტივები.
9. 26 მაისს - საქართველოს დამოუკიდებლობის დღეს, ჩვენი ქალაქისა დამთლიანად ქვეყნის გამდიერების სხვადასხვა უნიშვნელოვანესი დარგის განვითარების საქმეში შეტანილი წვლილისთვის ქალაქ ფოთის მერმა გოჩა კურდღელიამ საპატიო მოქალაქის წოდება მიანიჭა: ღირსების ორდენის კავალერს, არჩილ ხორავას სახელობის სახელოვნებო სასწავლებლის საგუნდო- სადირიჟორო და ვოკალური განყოფილების პედაგოგს, ქალბატონ ეთერ დანელიას. აქტიური შრომითი და საზოგადო საქმიანობაში მიღწეული წვლილისთვის, ღირსების ორდენის კავალერს, ბიდიკო კაკულიას.ნავსადგურთან არსებული ბავშვთა და მოზარდთა

საფეხბურთო სკოლის მწვრთნელს, ნუგზარ ლემონჯავას. თბილისის სახელმწიფო უნივერსიტეტის პროფესორს, კათედრის გამგეს, გამოჩენილ მეცნიერს ეკონომიკისა და ფინანსების დარგში, 100-ზე მეტი სამეცნიერო ნაშრომის და მონოგრაფიის ავტორს, ღირსების ორდენის, იაკობ გოგებაშვილისა და ივანე ჯავახიშვილის მედლების მფლობელს, ძირძველ ფოთელს, პროფესორ გედევან ხელაღიას.

საქართველოს განათლების მეცნიერებათა აკადემიის პრეზიდენტს, სოხუმის სახელმწიფო უნივერსიტეტის რექტორს, დიპლომატს, პოლიტიკურ მეცნიერებათა დოქტორსა და პროფესორს, ბატონ ზურაბ ხონელიძეს. ღირსების ორდენის მფლობელს, ფოთში ცნობილ ექიმს, მედიცინის მეცნიერებათა დოქტორს, ღირსების ორდენის კავალერს, ბატონ ბადრი ნაცვლიშვილს.

საქართველოს საგანგებო სიტუაციების კოორდინაციისა და გადაუდებელი დახმარების ცენტრის დირექტორს, ბატონ ავთანდილ თალაკვაძეს. საპატიო მოქალაქეების გადაეცათ სიგელები, სასაჩუქრე სუვენირები (ქალაქ ფოთის ტაძრის მაკეტი პედესტალზე) , მოოქროვილი მედალი და გასაღები სასაჩუქრე ყუთით დღის დასასრულს კი ფოთში მოეწყო კონცერტი, სადაც მაყურებლის წინაშე წარდგნენ ქართული ესტრადის ვარსკლავები. 26 მაისისადმი მიძღვნილი ღონისძიებები ფოთში გრანდიოზული ფეირვერკით დასრულდა.

10. 7 ივნისს- საქართველოს განათლების, მეცნიერების, კულტურისა და სპორტის სამინისტროს მხარდაჭერითა და სამსახურის ორგანიზებით არჩილ ხორავას სახელობის სახელოვნებო სასწავლებლის დარბაზში გაიმართა კლასიკური მუსიკის კონცერტი, სადაც მონაწილეობდნენ: „საქართველოს სინფონიატა“ და იაპონელი პიანისტი კასუმუ ბაროუქი.

11. 26 ივნისს- ქალაქ ფოთის ცენტრალურ პარკში მოსწავლე- ახალგაზრდობის ცენტრთან არსებული საესტრადო სტუდიების „ენკი-ბენკის“ და „მელოდიას“ საანგარიშო კონცერტი გაიმართა.

12. 2 ივლისს- საქართველოს ქორეოგრაფიული კავშირის ორგანიზებით და სამსახურის მხარდაჭერით ჩატარდა „კავკასიადა 2019“ , სადაც რეგიონის მასშტაბით მონაწილეობა მიიღო ქორეოგრაფიულმა ანსაბლებმა და ფოლკლორულმა კოლექტივებმა.

13. 4-5 ივლისს დავით აღმაშენებლის ხიდზე და კუნძულის სანაპიროზე მოსწავლე - ახალგაზრდობის ცენტრის ორგანიზებითა და სამსახურის მხარდაჭერით გაიმართა საესტრადო სტუდია „ ანა-ბანას“ და სამეჯლისო- ცეკვების სტუდია „მზის- გულის“ საანგარიშო კონცერტი.

14. 8 აგვისტოს თვითმმართველობის წარმომადგენლებმა და საზოგადოებამ პატივი მიაგეს ფოთში 2008 წლის აგვისტოს ომში დაღუპულთა ხსოვნას.

15. 9 აგვისტო - სამსახურის ორგანიზებით დასრულდა საერთაშორისო პლენერი „წელიწადის ოთხი სეზონი- მეგობრობის პალიტრა,“ მხატვრებმა კოლხეთის ეროვნული პარკის სირცეში მოაწყვეს ნამუშევრების გამოფენა.

16. 20 სექტემბერს - სამსახურის მხარდაჭერით საგამოფენო დარბაზში სამხატვრო სასწავლებლის , ხის მხატვრული დამუშავების ფაკულტეტის მოსწავლეთა გამოფენა მოეწყო. წარმოდგენილი იყო ქართულ -ხალხური საცხოვრისის დგამ-ავეჯი და ხის დეკორატიულ-გამოყენებითი ხელოვნების ნიმუშები.

17. 5-6 ოქტომბერს-საქართველოს განათლების, მეცნიერების, კულტურისა და სპორტის სამინისტროს მხარდაჭერით და სამსახურის ორგანიზებით ფოთში ევროპის მემკვიდრეობის დღეები აღინიშნა. ღონისძიების ფარგლებში: საბიბლიოთეკო გაერთიანების დარბაზში გაიმართა „საუბრები ლიტერატურაზე“, სადაც ახალგაზრდა მკითხველებმა მსმენელს საყვარელი ევროპელი ავტორების ნაწარმოებები წარუდგინეს და განიხილეს, ხოლო სსიპ. გიორგი ჭყონდიდელის სახელობის მეშვიდე საჯარო სკოლის მოსწავლეებმა წარმოადგინეს

საგანმანათლებლო- ლიტერატურული მიუზიკლი „ძველი ზრახრების ახალი სიცოცხლე“. ნიკო ნიკოლაძის კომპოზიციური ევროპელი ქორეოგრაფიული ხელოვნების საუკეთესო ნაწარმოებების პრეზენტაცია თანამედროვე ცეკვის მკვლევარის ხათუნა მზარელუას მიერ და ფრანგი ქორეოგრაფის ანჟელენ პრელჟოკაჟის ახალი ბალეტის „ფრესკა“ ექსკლუზიური (ნებადართული) ვიდეოჩვენება მოეწყო.

18. 8 ოქტომბერს - სამსახურის ორგანიზებით ვალერიან გუნიას სახელობის პროფესიულ თეატრში გაიმართა საიუბილეო შეხვედრა კონცერტი-ერთმომქმედებიანი კომედიები; მონაწილეობდნენ: მედეა ლორთქიბანიძე, ლადო ხელაშვილი და ლეო ანთაძე.

19. 18 ნოემბერს - ფოთში სანავსადგურო ქალაქად გამოცხადების 161 წელი აღინიშნა. ამ თარიღთან დაკავშირებით ნიკო ნიკოლაძის კომპოზიციური კულტურული ღონისძიებები ჩატარდა: ნიკო ნიკოლაძის კომპოზიციური ფოთის ისტორიის ამსახველი სამუზეუმო ექსპონატები და ფოტოსურათები გამოიფინა. ღონისძიება მუსიკალურად გააფორმა ბათუმის სიმებიანმა კვარტეტმა. მაყურებელმა მოისმინა ისტორია ფოთის წარსულის შესახებ, ღონისძიებაზე წარსდგნენ ქორეოგრაფიული ანსამბლები ცეკვით „დაისი“ და „ნარნარი“, ქვიშით მხატვრობით მოყოლილი ამბავი გააცოცხლა ხელოვანმა ნონა გიუნაშვილმა, ღონისძიება დასრულდა საესტრადო ნომრით „ყური უგდე საქართველოს“.

20. 26 ნოემბერს ცენტრალურ პარკში ჩატარდა კონცერტი ფოთელი მომღერალ ბათუ დოლბაიას და ბენდი „Goodfellas“ მონაწილეობით.

ქალაქ ფოთის მუნიციპალიტეტში მოღვაწე კულტურის, ხელოვნების, განათლების მუშაკების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდებისა და სკოლის წარჩინებულ მოსწავლეთა მატერიალური წახალისების (ჯილდო) მუხლიდან დაჯილდოვდა 8 საზოგადო მოღვაწე.

განათლების განყოფილება

მოზარდი თაობის არაფორმალური განათლების, მათი შესაძლებლობებისა და მისწრაფებების ყოველმხრივ განვითარების მიზნით საანგარიშო პერიოდში რიგი საგანმანათლებლო პროექტები განხორციელდა. მნიშვნელოვანი ყურადღება დაეთმო წარმატებულ, ღვაწლმოსილ პედაგოგთა და განსაკუთრებული ნიჭით დაჯილდოებულ ბავშვთა წარმოჩენის, მხარდაჭერის და წახალისების პროექტებს.

1.25-28 თებერვალს ჩატარდა საგანმანათლებლო პროექტი „ოკუპაციის კვირეული“. კვირეულის ფარგლებში, განყოფილების ორგანიზებით ივანე ჯავახიშვილის სახელობის #3 საჯარო სკოლის ბაზაზე ჩატარდა ღონისძიება „ახლა ეს ლექსი სხვა სამარეა“, სადაც უფროსკლასელებმა საქართველოს მე-20 საუკუნის და უახლესი ისტორია განასახიერეს. პროექტის ფარგლებში ფოთის წმინდა ნიკოლოზის სახელობის ზ/ს საშუალო სკოლის მოსწავლეებმა სცენაზე გააცოცხლეს კოჟრიდან სამაჩაბლომდე განვლილი გზა. ფოთის კოლხური კულტურის მუზეუმში გაიხსნა საქართველოს ეროვნული გმირების ფოტო გამოფენა, ჩატარდა საქართველოს ოკუპაციისადმი მიძღვნილი მოსწავლეთა საქალაქო ვიქტორინა-კონკურსი: „ისტორიის კვალდაკვალ“. მოეწყო საგანმანათლებლო ექსკურსია თბილისში, მოსწავლეებმა მთაწმინდაზე პატივი მიაგეს საქართველოს პირველი პრეზიდენტის

ზვიად გამსახურდიას და ნიკო ნიკოლაძის საფლავებს, წარმოადგინეს ლიტერატურული მონტაჟი. დაათვალიერეს ეროვნული მუზეუმის ოკუპაციის დარბაზის, ოქროს ფონდის და „ცისფერი გალერეის“ ექსპონატები.

2. 5-7 მარტს „ახალი სკოლის მოდელის“ ფარგლებში ქალაქის N 1,2,3, და მე-5 საჯარო სკოლების მე-5 კლასებში ჩატარდა დიაგნოსტიკური წერა, რომლის მიზანი საპილოტე სკოლებში სწავლა-სწავლების პროცესის მხარდაჭერა და მოსწავლეთა წინსვლისა და განვითარების ხელშეწყობაა. დიაგნოსტიკურ წერებში მონაწილეობდა 300-მდე მოსწავლე.

3. 2 აპრილს ჩატარდა „ფოთის ეტალონი მოსწავლის“ გამოსავლენი ინტელექტ-ჩემპიონატი, რომელშიც 70 მოსწავლემ მიიღო მონაწილეობა. „ფოთის ეტალონი მოსწავლის“ ტიტული „შპს გიმნაზიის“ მე-10 კლასის მოსწავლემ ლუკა გოგმაჩაძემ მოიპოვა.

4. 14-19 აპრილს ჩატარდა „დედა ენის“ კვირეულისადმი მიძღვნილი ღონისძიებები. კვირეულის ფარგლებში იაკობ გოგებაშვილის სკვერში წარმოდგენილ იქნა ლიტერატურულ მუსიკალური კომპოზიცია – „ხმათა ხვერდების და ღმერთების ენა,“ რომელშიც N15 საჯარო სკოლის დაწყებითი კლასების 200-მდე მოსწავლე ღებულობდა მონაწილეობას. სამსახურის ორგანიზებით N4 საჯარო სკოლაში მოეწყო მოსწავლეთა ნახატების და ხელნაკეთი ნივთების გამოფენა. მუსიკალურ-ლიტერატურული კომპოზიცია- „ანიდან ჰომედე ჩატეული

ქართული სული“, რომელშიც სხვადასხვა საფეხურის 500-მდე მოსწავლე ღებულობდა მონაწილეობას. ნიკო ნიკოლაძის N2 საჯარო სკოლის მოსწავლეებმა მასწავლებლებთან ერთად სცენაზე გააცოცხლეს ქართული ანბანის და დედა ენის შექმნის ისტორია- იოანე ზოსიმედან ფარნავაზ მეფემდე. ღონისძიებაში მონაწილეობა მიიღო 500-მდე მოსწავლემ. პროექტით გათვალისწინებულ ფარგლებში, ახალი საქართველოს უნივერსიტეტის დარბაზში გაიმართა ქალაქის მოსწავლე ახალგაზრდობის შეხვედრა ფერეიდნელ ქართველ მეცნიერთან, ისტორიკოს საიდ მულიანთან (გიორგი მულიაშვილი), რომელმაც ვრცლად ისაუბრა ფერეიდნელი ქართველების ცხოვრების, ადათ-წესების და იმ ტრადიციების შესახებ, რაც მათ დღემდე შენარჩუნებული აქვთ. შეხვედრას ესწრებოდნენ საჯარო და კერძო სკოლების მოსწავლეები და პედაგოგები. თეოფანე დავითაიას სახელობის N 1 საჯარო სკოლაში კვირეულის დასკვნითი ტრადიციული ღონისძიება მოსწავლეთა გრამატიკული საქალაქო კონკურსი – „ენაი შემკული და კურთხეული“ გაიმართა, რომელშიც ქალაქის საჯარო და კერძო სკოლის გუნდებმა გამოავლინეს ქართული სალიტერატურო ენის ნორმების ცოდნის სათანადო დონე, აქვე გამოვლინდა გამარჯვებული სამი სკოლის გუნდი.

5. 7 მაისს ზუგდიდში, პროექტის „ახალგაზრდა ხელოვანი“ შესარჩევ რეგიონალურ ეტაპზე N1,2,3,5 საჯარო სკოლების შემოქმედებითი ნიჭით დაჯილდოებულმა 12 მოსწავლემ მიიღო მონაწილეობა.

6. 14 მაისს- „თამარობის“ დღესასწაულთან დაკავშირებით ფოთის კოლხური კულტურის მუზეუმში ჩატარდა კონკურსი – „დაასრულე აფორიზმი“, რომლის მიზანი შოთა რუსთაველის პოემის პოპულარიზაცია, აფორიზმების ცოდნა-გალრმავება იყო. ღონისძიებაში ქალაქის ყველა საჯარო და კერძო სკოლა ღებულობდა მონაწილეობას.

7. ბოლო ზარის დღესთან დაკავშირებით საქართველოს დამოუკიდებლობის დღისადმი მიძღვნილ საზეიმო ღონისძიებაზე ქალაქ ფოთის მუნიციპალიტეტის, კომპანია „APM ტერმინალი“ და ნელი გეგეშიძის სახელობის ფონდის წარმომადგენლებმა საჯარო და კერძო სკოლების საზოგადოებრივი კოლეჯის 2018-2019 სასწავლო წლის 15 საუკეთესო კურსდამთავრებულები დააჯილდოვეს, ხოლო პროექტის ბიუჯეტით გათვალისწინებული თანხებიდან ქალაქ ფოთის მუნიციპალიტეტის მიერ 2018-2019 წლის საუკეთესო კურსდამთავრებულებს საჩუქრად გადაეცათ შეკვეთილში სასტუმრო „პარაგრაფის“ ერთდღიანი ველნეს და სპა სალონის სრული პაკეტი.

8. 1 ივნისს პროექტ „ბავშვთა დაცვის დღის“ ფარგლებში ხელოვნების ცენტრთან არსებული თეატრალური ჯგუფის მონაწილეობით ჩატარდა კოსტუმირებული სანახაობა. დასასრულს, ქალაქში არსებული სტუდიების მონაწილეობით გაიმართა საზეიმო კონცერტი. სამსახურის ორგანიზებით ილია ჭავჭავაძის სახელობის N 5 საჯარო სკოლაში წარმოდგენილ იქნა შემეცნებითი-გასართობი საბავშვო ზღაპარი „ლურჯი ფრინველი“, ჩატარდა ხატვის და ხელნაკეთი ნივთების დამზადების მასტერკლასები, რომელშიც აქტიურად იყვნენ ჩართული სკოლის სხვადასხვა საფეხურის მოსწავლეები და საზოგადოების წარმომადგენლები. სულ 800-მდე მონაწილე.

9. 5-6 ოქტომბერს „მასწავლებლის დღესთან“ დაკავშირებით ქალაქის ყველა სასწავლო დაწესებულების პედაგოგებს გადაეცათ ქალაქ ფოთის მუნიციპალიტეტის მისალოცი ბარათები და ყვავილების თაიგული. ნიკო ნიკოლაძის სახელობის საკრებულოს დარბაზში გაიმართა „2018-2019 წლის საუკეთესო პედაგოგთა,“ დაჯილდოების ცერემონიალი, სადაც ქალაქის საჯარო, კერძო და საზოგადოებრივი კოლეჯი „ფაზისი“-ის 16 მასწავლებელს მიენიჭა წლის საუკეთესო პედაგოგის წოდება და გადაეცათ ფულადი ჯილდო.

ქალაქ ფოთის მუნიციპალიტეტში მოღვაწე კულტურის, ხელოვნების, განათლების მუშაკების, დამსახურებული საზოგადო მოღვაწეების, სხვადასხვა ღონისძიებებში გამარჯვებული ახალგაზრდებისა და სკოლის წარჩინებულ მოსწავლეთა მატერიალური წახალისების (ჯილდო) მუხლიდან დაჯილდოვდა 16 წარმატებული პედაგოგი და 17 წარჩინებული მოსწავლე.

ქალაქ ფოთის მუნიციპალიტეტის მერიის კულტურის,
განათლების, ძეგლთა დაცვის, სპორტისა და
ახალგაზრდულ საქმეთა სამსახურის უფროსის
მოვალეობის შემსრულებელი



ნონა სილაგავა